

ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐ  
« 23 » 12 2019թ. N 1139-Լ  
ք. Երևան

ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ  
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ  
« 10 » հունվարի 2020թ. N 3 -Լ  
ք. Երևան

## Հ Ա Մ Ա Տ Ե Ղ Հ Ր Ա Մ Ա Ն

ԱՐԱՐԱՏՅԱՆ ՀԱՐԹԱՎԱՅՐՈՒՄ ԳՈՐԾՈՂ ԶԿՆԱԲՈՒԾԱԿԱՆ ՏՆՏԵՍՈՒԹՅՈՒՆՆԵՐՈՒՄ  
ՄՈՆԻԹՈՐԻՆԳԻ ԻՐԱԿԱՆԱՑՄԱՆ ՈՒՂԵՑՈՒՅՑԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության կառավարության 2019 թվականի  
օգոստոսի 29-ի N 1148-Ն որոշման 2-րդ կետի պահանջը՝

### Հ Ր Ա Մ Ա Յ ՈՒ Մ Ե Ն Ք

Հաստատել՝ «Արարատյան հարթավայրում գործող ձկնաբուծական տնտեսություններում  
մոնիթորինգի իրականացման ուղեցույցը»՝ համաձայն հավելվածի:

ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐ  
ՏԻԳՐԱՆ ԽԱՉԱՏՐՅԱՆ



ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ  
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ  
ԷՐԻԿ ԳՐԻԳՈՐՅԱՆ



### Ո Ւ Ղ Ե Ց Ո Ւ Յ Ց

#### ԱՐԱՐԱՏՅԱՆ ՀԱՐԹԱՎԱՅՐԻ ԶԿՆԱԲՈՒԾԱԿԱՆ ՏՆՏԵՍՈՒԹՅՈՒՆՆԵՐՈՒՄ ՄՈՆԻԹՈՐԻՆԳԻ ԻՐԱԿԱՆԱՑՄԱՆ

1. Ներկայումս հանրապետությունում հրատապ է դարձել Արարատյան հարթավայրում ձկնաբուծության նպատակով օգտագործվող ջրի օգտագործման ծավալների խնդիրը, որի արդյունքում բազմաթիվ ձկնաբուծարաններ ջուր չունենալու պատճառով դադարեցրել են իրենց գործունեությունը: Ձկնաբուծության նպատակով ջրի ոչ ռացիոնալ օգտագործումը կնպաստի նաև Արարատյան հարթավայրի անապատեցմանը, ինչպես նաև կհանգեցնի բնապահպանական այլ աղետների:
2. Նշված մոնիթորինգի իրականացման անհրաժեշտությունը պայմանավորված է իշխանազգի և թառափազգի ձկնաբուծությամբ զբաղվող տնտեսավարողների կողմից անազատ պայմաններում բուծվող ձկնատեսակների շարժի վերաբերյալ ուղեցույցի N 1 և 2 ձևերի լրացման և ներկայացման հանգամանքով, որի ուսումնասիրության արդյունքները հիմք կհանդիսանան 2003 թվականի մայիսի 22-ի թիվ 703-Ն որոշման 1-ին կետով հաստատված հավելվածի 6.1 կետով սահմանված չափաքանակների համապատասխանության վերաբերյալ:
3. ՀՀ Էկոնոմիկայի նախարարությունը քայլեր է ձեռնարկում Արարատյան դաշտի արտեզյան ավազանում առկա ջրային պաշարների հետ կապված որոշակի խնդիրների լուծման ուղղությամբ և այդ նպատակով 2019 թվականի օգոստոսի 29-ի N 1148-Ն որոշմամբ փոփոխություն է իրականացվել «Ձկնային տնտեսության կարիքների համար ջրային ռեսուրսների օգտագործման կարգը հաստատելու մասին» 2003 թվականի մայիսի 22-ի N 703-Ն որոշման մեջ, որով սահմանվել են Արարատյան հարթավայրում գործող ձկնաբուծական տնտեսությունների համար ջրօգտագործման և ձկնարտադրության տարեկան ծավալի չափաքանակները:
4. Հանրապետությունում 2019 թվականին գրանցված են եղել շուրջ 181 ձկնաբուծական տնտեսություններ, որտեղ արդյունագործական նպատակով բուծվում են երեք տեսակի՝ կարպազգի, իշխանազգի և թառափազգի ձկնատեսակներ, որոնց արտադրության ծավալները

2018 թվականին կազմել է 17 հազ. տոննա՝ 2017 թվականի 16 690 հազ. տոննայի համեմատ, կամ ավելացել է 1,8 տոկոսով:

5. Ձկան արտադրության ծավալների աճը պայմանավորված է վերջին տարիներին առանձին ձկնաբուծական ընկերություններում նորագույն տեխնոլոգիաների ներդրմամբ: Եթե նախկինում արտադրության մեջ կիրառվում էր հիմնականում ավանդական ձկնաբուծական մեխանիզմ, ապա ներկայումս, որոշ ձկնաբուծարաններ հաշվի առնելով միջազգային փորձը, նորագույն տեխնոլոգիաների առկայության անհրաժեշտությունը, փորձում են արդիականացնել արտադրության մեխանիզմները և աշխատանքներ են իրականացվում ձկնարտադրության ծավալների ավելացման ուղղությամբ:

6. Արարատյան հարթավայրում գործող ձկնաբուծական տնտեսություններում մոնիթորինգն իրականացնում է գյուղատնտեսության ոլորտի պետական լիազոր մարմինը (այսուհետ՝ պատասխանատու մարմին):

7. Պատասխանատու մարմինը մոնիթորինգի արդյունքում, խախտում հայտնաբերելու դեպքում, խախտման վերաբերյալ հինգ աշխատանքային օրվա ընթացքում տեղեկացնում է շրջակա միջավայրի նախարարություն:

8. Շրջակա միջավայրի նախարարությունն ստացված խախտման վերաբերյալ ծանուցում է տնտեսվարողին՝ 15 աշխատանքային օրվա ընթացքում այն վերացնելու համար, համաձայն Հայաստանի Հանրապետության ջրային օրենսգրքի 30.2 հոդվածի և միաժամանակ վերոնշյալի վերաբերյալ տեղեկացնում է պատասխանատու մարմնին:

9. Սահմանված ժամկետի ավարտից հետո պատասխանատու մարմինը տասնօրյա ժամկետում կրկին մոնիթորինգ է իրականացնում տվյալ տնտեսվարողի մոտ և արդյունքների վերաբերյալ տեղեկացնում շրջակա միջավայրի նախարարություն:

10. Մոնիթորինգի իրականացման անհնարինության դեպքում եռօրյա ժամկետում պատասխանատու մարմինը տեղեկացնում է շրջակա միջավայրի նախարարություն:

11. Խախտումը չվերացնելու դեպքում շրջակա միջավայրի նախարարությունը ծանուցում է տնտեսվարողին տասնօրյա ժամկետում ջրօգտագործման թույլտվության բնօրինակը շրջակա միջավայրի նախարարություն ներկայացնելու՝ թույլտվությամբ ամրագրված պայմանները վերանայելու համար:

12. Ջրօգտագործման թույլտվությունը շրջակա միջավայրի նախարարություն չներկայացնելու դեպքում, հինգ աշխատանքային օրվա ընթացքում ջրօգտագործման թույլտվությունը կասեցվում է:



